

jen kajitök wan ko, im jen nan in ebeben ko, im akwall, im iri ko kin kien; bwe rej jekron im jitokjeir.

1 Tim. 1. 4. 2 Tim. 2. 23. jap. 1. 14. 2 Tim. 2. 14.

10 Kwon kejbärok yuk jen jabrewöt armij elañe ej dri kijnbil elikin am enoik e alen mokta im ken ka ruo;

2 Kor. 13. 2. Mat. 18. 17. Rom 16. 17. 2 Tes. 3. 6, 14. 2 Tim. 3. 5. 2 Jon 10.

11 Bwe kwo jela eo ein drein ej ankeke, im jerawiwi, im möke lia-kelok e.

Jerb. 13. 46.

12 Ñe I naj jilkinwoj Artemas ak Tikikös ñön kwe, kwon kaiur yuk

im jaröptök ñön iö ñön Nikopolis, bwe emwij aö bebe kin kañöneañ ijo.

Jerb. 20. 4. 2 Tim. 4.

13 Kwon jiböñlok wöt Zinas dri kien im Apollös ilo air etal, bwe ren jab aikwij jabrewöt.

Jerb. 18. 24.

14 Im ro jerar ren katak kin kö-mön jermal ko remön kin men ko armij rej aikwij, bwe ren jab jowa.

Ep. 4. 28. Rom 15. 28. Pil. 1. 11. & 4. 17. Kol. 1. 10. 2 Pit. 1. 8.

15 Ro otemjej iba rej yokyokwe yuk. Kwon yokyokwe ro rej yokwe kij ilo tömak.

Joi en ber ibemi otemjej.

LETTER AN PAUL ÑÖN PAILIMÖN.

PAUL, dri prisön an Kraist Jisös, im Timote jäter, ñön Pailimön dri jitenburu im dri jermal ibem,

Ep. 3. 1. Pil. 2. 25.

2 Im ñön Appia, jäter köra, im ñön Arkippös dri törinae ibem, im ñön eklesia eo iloan imöm:

Kol. 4. 17. Pil. 2. 25. Rom 16. 5.

3 Joi jilkin kom im ainemön jen Anij Jemer im Iroi Jisös Kraist.

Ep. 1. 2.

4 Ij kamolol aö Anij ien otemjej, im ba kin kwe ilo jar ko aö,

Ep. 1. 16. 1 Tes. 1. 2.

5 Ke ij roñ kin am yokwe, im tömak eo ej ber iböm ñön Iroi Jisös, im ñön ro remön otemjej;

Ep. 1. 15. Kol. 1. 4.

6 Bwe kömao in tömak eo am en jermal wöt, ilo jelalokjen men ko remön otemjej ilo kwe, ñön Kraist.

Pil. 1. 9, 11.

7 Bwe elap löñliñ im ainemön r'ar ber iba kin am yokwe, bwe kar aimlolo buruen ro remön kin kwe, jätiö.

2 Kor. 7. 13. 2 Tim. 1. 16.

8 Kin men eo, meñe ij maroñ mö-

karkar ilo Kraist im jiroñ yuk kin men ko rej ekar,

1 Tes. 2. 6.

9 Ijoke kin yokwe ij akwelap ñön kwe, ke ña Paul lölap, kab kiö dri prisön, bareinwöt an Kraist Jisös:

10 Ij akwelap ñön yuk kin nejiö, eo I ar keutak e ilo lukja, Onesimös,

Kol. 4. 9. 1 Kor. 4. 15.

11 Eo ilo ien ko remotelok e dri jitokjen ñön yuk, a kiö ej or tokjen ñön yuk im ña; eo I ar bar jilkinwoj ñön kwe,

12 E in buruo wöt: eo I naj kar könan drebij iba,

13 Bwe en binej jenkwöm im jiböñ iö ilo kworak ko an gospel:

1 Kor. 16. 17. Pil. 2. 30.

14 A ilo aö jaje kin am lemnok I jab könan kömön jabrewöt; bwe kwon jab jiböñ iö ilo am bane ein juön, a kin am mol.

2 Kor. 9. 7.

15 Inem, bwelen kin men in e ar jibil jen kwe jirik ien, bwe kwon bar bök e ñön in drio;

Jen. 45. 5, 8.

16 Kiö emwij an einwöt dri kamakoko, a eutie jen dri kamakoko,

juōn jāter e jitenburu, e kanuij ein drein iba, a enaŋin laplok an jitenburu ibōm, ilo kōniek kab ilo Iroi.

Mat. 23. 8. 1 Tim. 6. 2. Kol. 3. 22.

17 Inem elafie kwoj likit iō raji-tōm, kwon bōk e einwōt ŋa.

2 Kor. 8. 23.

18 A elafie e ar kokkure men ko am, ak eor an muri ibōm, kwon likit men kein aō muri.

19 Ŋa Paul, emwij aō jeje kin peiō, I naj kōlā muri eo. Meŋe I jab ba ŋōn yuk ekijkan am mōke muri ŋōn iō kin kwe bareinwōt.

20 Aet, jātiō, in mōuōuō kin kwe ilo Iroi. Kwon kaimlolo buruō ilo Kraist.

21 Kin aō liki am bokake iō, I ar jejewoj ŋōn yuk, im jela bwe kwo naj kōmōn elap jen aō ba.

2 Kor. 7. 16.

22 A bareinwōt kwon kapojōk ŋōn iō jikin kiki, bwe Ij kejatirikrik iō naj lewoj iō ŋōn kwe kin jar ko am.

Pil. 2. 24. 2 Kor. 1. 11.

23 Epapras, dri prisōn iba ilo Kraist Jisōs, ej yokyokwe yuk:

Kol. 1. 7. & 4. 12.

24 Bareinwōt Mark, Aristarkōs, Dimas, im Luk, ro dri jermal iba.

Jerb. 12. 12. & 19. 29. Kol. 4. 14. 2 Tim. 4. 11

25 Joij an ar Iroi Jisōs Kraist, en ber iben am. Amen.

LETTER ŊŌN DRI HIBRU.

JAPTER 1.

ANIJ, ke elōŋ wāwen im elōŋ mōtōn an ba ŋōn ro jimar ilo ien ko remotelok kin ro dri kanan,

Bwin. 12. 6, 8.

2 Ilo jemlokōn ran kein E ar ba ŋōn kij kin Nejin, eo E ar likit E dri jolit an men ko otemjej, im kin Eo bareinwōt E kar kōmōnmōn lōl ko;

Dut. 4. 30. Gal. 4. 4. Ep. 1. 10. Jon 15. 15. Jap. 2. 3. Sam 2. 8. Mat. 11. 38. Rom 8. 17. Jon 1. 3.

3 Eo ej jatōltil an aibujuij eo An, im einwōt E, im Eo ej jebōk men otemjej kin An in nan ekajur, ke emwij An karreolok jerawiwi ko, E ar jijōt i lōŋ i anbijmaroŋōn Anij laplap;

Jon 1. 14. 2 Kor. 4. 4. Kol. 1. 17. Rev. 4. 11. Jap. 9. 14. 1 Sam 110. 1. Ep. 1. 20. 21. 1 Pit. 3. 22.

4 Im einwōt E ar bōk An jolit etau emōn jen enjel rōn, ein drein E ar eutiejlōk jen ir.

Pil. 2. 9, 10.

5 Bwe E ar ba ŋōn wōn ian enjel ro ilo jabrewōt ien, Kwe nejiō, ra-

284

nin I ar keutak Yuk? Im bar juōn, Ŋa I naj Jemen, im E naj Nejiō?

Sam 2. 7. Jerb. 13. 33. Jap. 5. 5. 12 Samuel 7. 14. Sam 89. 26, 27.

6 Im ke Ej bar kadreloŋ manjien ilo lōl, Ej ba, Im enjel rōn otemjej an Anij ren kabuŋ ŋōn E.

Rom 8. 29. Sam 97. 7.

7 Im kin enjel ro, Ej ba, Eo ej kōmōn enjel ro bwe ren jitōb, im dri jermal ro An bwe ren kijeek urur:

Sam 104. 4.

8 A kin Nejiu Ej ba, Am tron O Anij e in drio im in drio; im septer in wānik e septer an allif eo Am.

Sam 45. 6, 7.

9 Kw'ar yokwe kwojarjar im Kw'ar drike nana, inem Anij, am Anij, E ar kabit Yuk kin dren in kamōnōuō im eutiejlōk jen ro ibōm.

Isa. 61. 1.

10 Im, Kwe Iroi, ilo jinoin Kw'ar likit foundeōn an lōl, im lōŋ ko Kw'ar kōmōnmōni kin peiōm:

Sam 102. 25-27.

11 Ir re naj joko; a Kwe, kwoj berwōt: im ir otemjej re naj morlok einwōt nuknuk ko;

Isa. 34. 4.